

DATGANIAD I'R WASG

Llyfr Recordiau Byd Guinness yn torri ei recordiau ei hun.

Mae Rhifyn 2008 Recordiau Byd Guinness yn torri ei recordiau ei hun o ran y ffigurau gwerthu yn ystod y cyfnod cyn y Nadolig. Dros y bedair wythnos ddiwethaf, hwn fu'r llyfr y gwerthwyd y nifer mwyaf o gopiau ohono yn y DU, sy'n eithaf trawiadol, pan fyddwch yn ystyried y ffaith bod Llyfr Recordiau Byd Guinness wedi gwerthu dros 100 miliwn o gopiau ers ei lansio 53 o flynyddoedd yn ôl, ac mae'n cael ei werthu mewn dros 100 o wledydd a'i gyhoeddi mewn 24 o wahanol ieithoedd.

Eleni, ffilmwyd yr hysbyseb teledu a sinema yn gyfan gwbl yng Nghymru gan y cwmni cynhyrchu o Gymru, Greenfield, ac mae'n cynnwys Actor ifanc o Gymru, Josh Price, fel seren yr hysbyseb. Yn yr hysbyseb, caiff Josh ei dynnu i mewn i'r llyfr ac mae'n hedfan mewn vortecs mewnol, ac yn cael ei dynnu tuag at rai o'r Recordiau Byd sy'n ei ddenu fwyaf, megis y llygaid sy'n sefyll allan fwyaf yn y byd, a'r blaned fwyaf yng nghysawd yr haul.

Dyweddodd Kate White, uwch rheolwr brand gyda Recordiau Byd Guinness "Mae'n hollol wych ein bod wedi cyrraedd brig y rhestr am y bedair wythnos yn olynol. Mae'n profi bod y llyfr yn parhau i fod yn hynod o boblogaidd ymhlith y gynulleidfa darged, bod y diddordeb, y swyn a'r chwilfrydedd y mae'r recordiau eu hunain yn eu creu ymhlith pobl ifanc mor real heddiw ag y mae wedi bod erioed. Rydym wedi bod wrth ein bodd gyda'r ymateb i'r ymgyrch Teledu a Sinema a grëwyd gan Greenfield, sy'n rhan fawr o'r rheswm pam bod ein cynulleidfa yn dymuno prynu copi o'r llyfr. Mae wedi cyrraedd y nod"

Dyweddodd Bethan Mair Tame, pennaeth gwasanaethau creadigol a chynhyrchu Greenfield "Mae hwn yn newyddion gwych, ac rydym mor falch ein bod wedi bod yn rhan o'r digwyddiad hwn sydd wedi torri record. Gwyddon pan wnethon ymateb i'r briff bod ein syniad creadigol yn fformwla llwyddiannus ar gyfer y llyfr, ac roeddem yn hynod o falch pan gawsom ein dewis i greu'r hysbyseb. I goroni'r cyfan, daethom o hyd i Josh, sydd wedi bod yn berl go iawn, ac ef yw seren y sioe. Edrychwn ymlaen at yr wythnosau nesaf, a mawr obeithiwn y bydd y ffigurau gwerthu yn parhau i godi."

Diwedd

Nodiadau i Olygyddion

Mae **greenfield** yn darparu gwasanaethau rheoli ac ymgynghori i gwmnïau twf yn y sector darlledu, gan gynnwys gweithredwyr platform, darlledwyr a chynhyrchwyr annibynnol.

Mae ei arbenigedd yn cynnwys strategaethau corfforaethol a masnachol, cynllunio busnes, teledu digidol, marchnata a thrwyddedu, gwelliant gweithrediadol, polisi a rheoleiddio, rheoli hawliau a gweithredu strategaethau.

Mae ganddynt brofiad ac enw da ym maes cynhyrchu a gwaith creadigol, gan ddarparu atebion creadigol ar gyfer hysbysebu ar y teledu, hysbysebu ar y radio a hysbysebu symudol, yn ogystal â chynghori busnesau ynghylch eu strategaethau marchnata a chyfathrebu.

Gwybodaeth bellach: Tim Powell 07939 571 553